絕聖棄知 民利百負 絕仁棄義 民復畜兹 絕巧棄利 盗賊无有 此三言者 以為文未足 故令之有所屬 見素抱握 少私而寡欲 絕學无憂

66

江海之所以能為百浴王者 以其善下之 是以能為百浴王 是以聖人之欲上民也 必以其言下之 其欲先民也 必以其身後之 故居前而民弗害也 居上而民弗重也 天下樂隼而弗猒也 非以其无静與 故天下莫能與静

46

天下有道 卻走馬以糞 天下无道 戎馬生於郊 罪莫大於可欲 旤莫大於不知足 咎莫憯於欲得 故知足之足 恆足矣

30

以道佐人主 不以兵强於天下 其事好還 師之所居 楚朸生之 善者果而已矣 毋以取强焉 果而毋縣 果而毋務 果而毋伐 果而毋得已居 是謂果而不强 物壯而老 是謂之不道 不道蚤已

古之善為道者 微眇玄達 深不可志 夫唯不可志 故强為之容 曰 豫呵 其若冬涉水 猶呵 其若畏四鄰 嚴呵 其若客 淚呵 其若淩澤 沌呵 其若楃 湷呵 其若濁 漴呵 其若浴 濁而情之余清 女以重之余生 葆此道不欲盈 夫唯不欲盈 是以能敝而不成

64b

為之者敗之 執之者失之 是以聖人无為也 故无敗也 无執也 故无失也 民之從事也 恆於其成事而敗之 故慎終若始 則无敗事矣 是以聖人欲不欲 而不貴難得之貨 學不學 而復衆人之所過 能輔萬物之自然 而弗敢為

37

道恆无名 侯王若能守之 萬物將自化 化而欲作 吾將闐之以无名之楃 闐之以无名之楃 夫將不辱 不辱以情 天地將自正

63

為无為 事无事 味无味 大小 多少 報怨以德 圖難乎其易也 為大乎其細也 天下之難作於易 天下之大作於細 是以聖人終不為大 故能成其大

夫輕諾必寡信 多易必多難 是以聖人猶難之 故終於无難

天下皆知美為美 惡已 皆知善 訾不善矣 有无之相生也 難易之相成也 長短之相刑也 高下之相盈也 意聲之相和也 先後之相隨也 恆也 是以聖人居无為之事 行不言之教 萬物昔而弗始也 為而弗寺也 成功而弗居也 夫唯弗居 是以弗去

32

道恆无名 楃唯小 而天下弗敢臣 侯王若能守之 萬物將自賓 天地相合 以俞甘洛 民莫之令而自均焉 始制有名 名亦既有 夫以將知止 知止所以不殆 俾道之在天下也 猶小浴之與江海也

25

有物昆成 先天地生 繡呵繆呵 獨立而不該 可以為天地母 吾未知其名 字之曰道 吾强為之名曰大 大曰筮 筮曰遠 遠曰反 道大 天大 地大 王亦大 國中有四大 而王居一焉 人法地 地法天 天法道 道法自然

5

天地不仁 以萬物爲芻狗 聖人不仁 以百姓爲芻狗 天地之間 其猶橐籥與 虚而不淈 蹱之俞出 多聞數窮 不如守於中

至虚極也 守情表也 萬物旁作 吾以觀其復也 天物雲雲 各復歸其根 歸根曰情 情是謂復命 復命常也 知常明也 不知常 妄 妄作 兇 知常容 容乃公 公乃王 王乃天 天乃道 道乃久 没身不殆

64a

其安也 易持也 其未兆也 易謀也 其脆也 易破也 其微也 易散也 為之於其未有也 治之於其未亂也

合抱之木 生於毫末 九成之臺 作於壘土 百仞之高 始於足下

56

知者弗言 言者弗知

塞其閱 閉其門 和其光 同其塵 銼其兑 解其紛 是謂玄同故不可得而親 亦不可得而疏

不可得而利 亦不可得而害

不可得而貴 亦不可得而賤 故為天下貴

57

以正之邦 以畸用兵 以无事取天下 吾何以知其然也哉 夫天下多忌諱 而民彌貧 民多利器 而邦家兹昏 人多知 而何物兹起 法物兹章 而盗賊多有 是以聖人之言曰 我无為而民自化 我好静而民自正 我无事而民自富 我欲不欲而民自楃 含德之厚者 比於赤子

蜂蝲蜲虵弗螫 攫鳥猛獸弗搏

骨弱筋柔而握固 未知牝牡之會而脧怒 精之至也

終日號而不嚎 和之至也

知和日常 知常日明 益生日祥 心使氣日强

物壯即老 謂之不道 不道蚤已

44

名與身孰亲 身與貨孰多 得與亡孰病 甚愛必大費 多藏必厚亡 故知足不辱 知止不殆 可以長久

40

反也者 道之動也 弱也者 道之用也 天下之物生於有 有生於无

9

持而盈之 不若其已 揣而兑之 不可長葆之 金玉盈室 莫之守也 貴富而驕 自遺咎也 功遂身芮 天之道也

治人事天莫若嗇 夫唯嗇 是以蚤服 蚤服是謂重積德 重積德則无不克 无不克則莫知其極 莫知其極可以有國 有國之母可以長久 是謂深根固氐 長生久視之道也

48

為學者日益 聞道者日損 損之有損 以至於无為 无為而无以為 取天下也 恆无事 及其有事也 不足以取天下

19b

絕聖棄知 民利百負 絕仁棄義 民復畜兹 絕巧棄利 盗賊无有 此三言者 以為文未足 故令之有所屬 見素抱握 少私而寡欲 絕學无憂

20

唯與詞 其相去幾何 美與惡 其相去何若 人之所畏 亦不可以不畏人 聖呵 其未央哉 衆人配配 若饗於大牢 而春登臺 我泊焉未兆 若嬰兒未咳 纍呵 如无所歸 衆人皆有餘 我獨遺 我愚人之心也 惷惷呵 鬻人昭昭 我獨若闍呵 鬻人察察 我獨闅闅呵 忽呵 其若海 朢呵 其若无所止 衆人皆有以 我獨碩以悝 我欲獨異於人 而貴食母 寵辱若驚 貴大梡若身

何謂寵辱若驚 寵之為下 得之若驚 失之若驚 是謂寵辱若驚 何謂貴大梡若身 吾所以有大梡者 為吾有身也 及吾无身 有何梡故貴為身於為天下 若可以詑天下矣 愛以身為天下 如可以寄天下

41

上士聞道 董能行之 中士聞道 若存若亡下士聞道 大笑之 弗笑 不足以為道是以建言有之曰 明道如費 進道如芮 夷道如類上德如浴 大白如辱 廣德如不足 建德如偷 質真如渝大方无禺 大器免成 大音希聲 大象无刑 道褒无名夫唯道 善始而善成

52

天下有始 以爲天下母

既得其母 以知其子 復守其母 没身不殆 塞其閱 閉其門 終身不董 啓其閱 濟其事 終身不棘 見小曰明 守柔曰强 用其光 復歸其明 毋遺身央 是謂襲常

45

大成若缺 其用不敝 大盈若沖 其用不窮 大直如詘 大巧如拙 大赢如炳 趮勝寒 靚勝炅 請靚可以為天下正 善建者不拔 善抱者不脱 子孫以祭祀不絕 脩之身 其德乃真 脩之家 其德有餘 脩之鄉 其德乃長 脩之邦 其德乃夆 脩之天下 其德乃博 以身觀身 以家觀家 以鄉觀鄉 以邦觀邦 以天下觀天下 吾何以知天下之然兹 以此

郭店丙

17

太上 下知有之 其次 親譽之 其次 畏之 其下 母之信不足 安有不信 猶呵 其貴言成功遂事 而百姓謂我自然

18

故大道廢 安有仁義 知快出 安有大傷 六親不和 安有畜兹 邦家悶亂 安有貞臣

35

執大象 天下往 往而不害 安平太 樂與餌 過格止 故道之出言也 曰談呵其无味也 視之不足見也 聽之不足聞也 用之不可既也

夫兵者 不祥之器也 物或惡之 故有欲者弗居 君子居則貴左 用兵則貴右 故兵者非君子之器也 兵者不祥之器也 不得已而用之 銛慴為上 勿美也 若美之 是樂殺人也 夫樂殺人 不可以得志於天下矣 是以吉事上左 喪事上右 是以偏將軍居左 上將軍居右 言以喪禮居之也 殺人衆 以悲依立之 戰勝 以喪禮處之

64b

為之者敗之 執之者失之 是以聖人无為也 故无敗也 无執也 故无失也 民之從事也 恆於其成事而敗之 故慎終若始 則无敗事矣 是以聖人欲不欲 而不貴難得之貨 學不學 而復衆人之所過 能輔萬物之自然 而弗敢為

https://zhuanlan.zhihu.com/p/8962711860